

Ո Ր Ո Շ ՈՒ Մ

ԱՐԳԵԼԱԴՐՎԱԾ ԳՈՒՅՔԸ ՀԱՐԿԱԴԻՐ ԷԼԵԿՏՐՈՆԱՅԻՆ ԱՃՈՒՐԴՈՎ ԻՐԱՑՆԵԼՈՒ ՄԱՍԻՆ

13.09.2018թ.

ք. Թալին

ՀՀ ԱՆ Հարկադիր կատարումն ապահովող ծառայության Արագածոտնի մարզային բաժնի Թալինի բաժանմունքի հարկադիր կատարող արդարադատության ավագ լեյտենանտ Նարեկ Ղազարյանս ուսումնասիրելով 09.08.2018թ. վերսկսված թիվ 04092719 կատարողական վարույթի նյութերը.

Պ Ա Ր Զ Ե Ց Ի

ՀՀ Արագածոտնի մարզի ընդհանուր իրավասության դատարանի կողմից 16.01.2018թ. տրված թիվ ԱՐԱԴ2/0905/02/17 կատարողական թերթի համաձայն պետք է՝ Վահե Զորիկի Մելոյանից հոգուտ «ՎՏԲ-Հայաստան բանկ» ՓԲ ընկերության բռնագանձել՝ 172853,30 ՀՀ դրամ, որպես պարտքի գումար, որից վարկի գումար 145000 ՀՀ դրամ, վարկի դիմաց հաշվարկված տոկոս՝ 7776.40 ՀՀ դրամ, ժամկետանց տոկոսի դիմաց հաշվարկված տույժ՝ 762.90 ՀՀ դրամ, ժամկետանց գումարի դիմաց հաշվարկված տույժ՝ 14224.50 ՀՀ դրամ և վարկի սպասարկման հաշիվները՝ 5,089.50 ՀՀ դրամ:

Վահե Զորիկի Մելոյանից հոգուտ «ՎՏԲ-Հայաստան բանկ» ՓԲ ընկերության հաշվեգրել և բռնագանձել տույժ՝ ժամկետանց վարկի մնացորդի՝ 145000 ՀՀ դրամի և հաշվարկված տոկոսների՝ 7776,40 ՀՀ դրամի նկատմամբ տույժի հաշվարկը 31.07.2017թ-ից մինչև պարտավորությունների դադարման օրը, հիմք ընդունելով 11.04.2016 կնքված Պայմանագրով նախատեսված 0,09 տոկոս տոկոսադրույքը:

Վահե Զորիկի Մելոյանից հոգուտ «ՎՏԲ-Հայաստան բանկ» ՓԲ ընկերության բռնագանձել 3457,10 ՀՀ դրամ՝ որպես Հայցվորի կողմից նախապես վճարված պետական տուրքի գումար:

09.08.2018թ. Հարկադիր կատարումն ապահովող ծառայություն է մուտքագրվել փորձագետի կողմից տրված ոսկյա զարդերի մասին եզրակացությունը, որոնց շուկայական արժեքը գնահատման հաշվետվության համաձայն կազմում է 53760 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան՝ Վահե Զորիկի Մելոյանի կողմից գրավադրված ներքոհիշյալ գույքերը.

Հ/Հ	Լոտի անվանումը	Քանակ	Հարգ	Գրամ	Միավորի գնահանման գինը	Միավորի մեկնարկային գինը (75%)
1	2	3	4	5	6	7
1	Ոսկյա շղթա	1	560	4,8	53,760 դրամ	40,320 դրամ

Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ www.ajurd.am միջոցով: Հարկադիր էլեկտրոնային աճուրդի սկիզբը՝ **«02» նոյեմբեր 2018թ.**

Որոշման պատճեն ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված դեպքերի:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից

հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

Հարկադիր կատարող

Արդարադատության ավ. լեյտենանտ



Ն. Ղազարյան